




АСТАНА АКШАМЫ

ЖҰРТЫМЕН БІРГЕ ЖАСАР



Жыл толды қайырылғалы ер қанаты,

Халқының жүрегінде қалған аты.

Өшпейді өмірдегі салған ізі,

Сөнбейді өлеңдегі жанған оты.

Жаратқан жатқан орнын жарық қылсын,

Жұмакта жез киігін жолықтырсын.

Ұлтының қамын жеген қаршадайдан,

Ұл туса, Кәкімбектей болып тусын!

Сүйінді жақсылықтың барлығына,

Күйінді қатал заман тарлығына.

Фасырдың өзі куә кешегі өткен,

Ел жүгін арқалаған нарлығына.

Тағдырдың басқа түсті тайталасы,
Әнінді дегендей бір қайталашы?
Іздеп тұр Кәкімбекін күніреніп,
Орман-көл, тау мен тасы, сай-саласы.

Өлеңнің тұнығынан сусындаған,
Қазақтай шын ақынды кім тындаған?
Іздеп жүр Кәкімбекін аласұрып,
Ақкулар көлді айналып сұңқылдаған.

Түсетін алыстарға көз қиығы,
Әркімнің өзіне аян өз биігі.
Жолықпай Кәкімбекі жабырқайды,
Жапанның желдей ескен жез киігі.

Саралап жортқан ізін ары-бері,
Күрсіне еске алады қалың елі.
Секілді сағыныштың белгісіндей,
Сарғайған Сарыарқаның сары белі.

Пенде жоқ жер бетінде өлмейтұғын,
Қайғыны уақыт қана емдейтұғын.
Жұртыймен бірге жасар ән мен жыры,
Жүрегін тындағанның тербейтұғын.

Сартылдал жылдар өтер, күндер өтер,
Ғұмырды таусылмайтын кім дәметер?
Бейнесі қайран асыл ағалардың,
Көз көрген біздерменен бірге кетер.